

## Loke nos pueblo kier of mester sa



Crítica Constructivo

Pa: Lord Cobashi

Awe mi prome topico ta e HOLO FUERTE DI COASTAL. Mi kier pa henter pueblo di Aruba sa, cu nos no tin nada contra Coastal, aunke tur e condicionnan economicamente no ta bon, pero si contra e holo fuerte, cu ta haciendo hende malo. Si bo no ta kere, djis pasa Lagoweg, banda di Hotel Las Delicias y e casnan di Gobierno pa noord di dje, banda di e bus stop, cana den Zeppenfeldtstraat y bay banda di e Laundry nobo Bess and Snel unda Coruba tabata. E holo ta birando insoportable pa hende nan na cierto seccion di San Nicolaas, specialmente e Village. Boso no a ripara cu protesta a sali den DIARIO como 3 biaha siman pasa, esey kier meen, cu sigur, e ta molestando e hendenan. Mi ta spera, cu algo por worde haci contra e holo ey. Si e holo sigui asina, e turistanan tambe por stop di bini San Nicolas, pasobra net unda nan mester baha, pasa of cana, ta unda e holo ta mas fuerte. Si sigui asina CHARLIE'S BAR, uno di e unico lugar nan atractivo, y mundialmente conoci, pronto lo mester cera su porta., locual nos no kier. Mi ta kere e lo ta un bon idea di e Vice Presidente di Coastal y algun di nos Gobernantenan pasa of para ey banda djis 5 minuut, pa convence nan mes di loke ami y nos pueblo di San Nicolas ta papiando. Boso sa kico por pasa, si e gas tabata yega te Playa?? Ayo turista nan. Mi a bay Jersey, Texas, unda tin refineria nan y ningun holo fuerte asina, pasobra e pueblo lo no accepte. Ami a traha den Lago como kommies 17 aña y mi ta biba na San Nicolas 53 aña, mi a lanta den Village, y nunca e holor ey tabata asina fuerte. E holo no tabata constante asina, solamente ora e biento bira. Awor nos ta den un era moderno e Ingeniero nan mester sa kico pa haci. Ora bo habri corant y scucha radio, bo ta blo tende tecnologia, un palabra grandi y bunita, wel Coastal mester sa kico pa haci, pa elimina e holo ey, prome cu e lo afecta long y curazon di hende, y probablemente muri tambe?? Na Ingles nos ta bisa "E gas ey ta Slow Poisoning", kier meen venenando poco poco.

2 - Awor un tiki di nos carnaval, prome cu tur so mi kier gradici, S.A.C. y Asoma pa e cambio di di e prijs di 10 florin pa siete florin na Club Bonairiano, y for di 15 florin pa 12 florin na Lago Sport Park e ultimo anochi, cual mi ta kere por a keda 10 florin en general. Mi ta kere cu nan por tin consideracion pa mucha nan cu ta bay school y no ta traha, sikiera nan por laga dos drenta pa 10 florin.

Mi a ripara cu Sac y Asoma mester tin mihor cooperacion cu otro, pasobra algun cos di nan no ta bon, cual mi por divulga publicamente.

Awor mi kier duna Sac y Asoma un gran pabien, pa e stage espacioso, cu estilo nobo. Mi ta kere cu Sac y Asoma ta convenci awor cu Lago Sport Park is the place pa e Calypso

Contests, y nos tin costumber di bay cas 5 or di marduga, basta cu e ta week-end. Nos ta prefera nos unico anochi, cual tin hopi mas ambiente. Na sport park ningun hende ta stroba bo di mira, manera Club Boneiriano. Mi no ta kere cu ni Sac, ni Asoma por bisa cu tabatin perdida e biaha aki pasobra 12 florin nan tabata flotando den aire den Lago Sport Park, cu e cantidad di hende nan parando y sintando, peor cu fruminga bravo.

E reglanan lesa prome cu e show ta coi loco, cuenta di e sla mester ta di calypso y un cantante no por canta mas cu 7 minuut. Mi amigo Boysie, un gran crowd pleaser, kier meen animador, su calypso tabata un bolero. Ningun cantante a canta 7 minuut, tur a pasa, wel e ley nan ey por worde lubida. Un otro gran pabien pa Thunder and Lightening, pa nan super sound system. Mi ta kere si algun di e cantante nan por haci nan cancion mas cortico, e lo tin hopi mas impacto. Pabien pa tur e calypsonians, specialmente pa e Rey di Calypso Mighty Talent, cu su cancion di hopi tino, y e Road-march king Mighty Tattoo, cu ta un joven cu hopi determinacion y perseverancia. Mighty Dancer lo ta indudablemente un future Calypso King si e sigui asina. Mi unico aviso pa Dancer ta esaki, e mester siña rijm, esey kier meen, cu e palabra nan na fin mester pas cu otro, por ehempel, "Mighty Dancer wil the future Calypso King, that's why I will continue to sing". King ta rijm su sing. Esaki ta djis un aviso. Tambe un pabien pa tur e Calypsonians y e grupo nan cu a acompaña nan.